



Tillie Martinussen
Medlem af Inatsisartut, Suleqatigiissitsisut - Samarbejdspartiet

§37 naapertorlugu apeqquteqaammut nr. 92-mut attaveqaatit pillugit sillimaniarneq tunngasumut akissuteqaat

21-02-2019
Sagsnr. 2019 - 4166
Dok. nr. 10127149

Postboks 1029
3900 Nuuk
Tlf: +299 34 50 00
Email: ikiin@nаноq.gl
www.nanoq.gl

Asasara Tillie Martinussen

Inatsisartut suleriaasiat naapertorlugu apeqquteqaatinnut qujanaq. Ataani akissuteqarfigissavakka.

Apeqqut 1: Naalakkersuisut siusinnerusukkut Huaweiimmik immami kabelip suliarineqarneranut atatillugu suleqateqarsimanertik – kiisalu modemit Huaweiimeersut Kalaallit Nunaanni atorneqartut pillugit isumakulunnartoqartinnigilaat?

Svar: Februaarip ulluisa arfineq-aappaanni tusagassiuutitigut nalunaaruteqarninni allappunga *“Ataqatigiinnermut aaqqissuussinerni Huawei atunngilarput”* tamatumalu apeqquteqarninnut tunngavisoq naatsorsuutigaara. Matumani oqarama “uagut” erseqqissaatigissavara Naalakkersuisut aamma qitiusumik allaffeqarfimmi Qarasaasiatigut attaveqaatigut pineqarmata.

Kalaallit Nunaanni attaveqaatinik suliaqartut, matumani TELE-POST ilanngullugu, Huaweiimmik atuisuusut Naalakkersuisunit ilisimaarinqarpoq. Huawei Kinamiullu nioqqutissiortui allat silarsuaq tamakkerlugu modeminik, routerinik oqarasuaatinillu angallattakkanik kiisalu atortunik elektroniskiusunik allanik taakkuupput nioqqutissiortuusut. Taamaattumik Kinamiut atortorissaaruterpassuini atorneqartut nunani allani suliarineqartartut aamma atorneqartarput. Tamanna aamma TELE-POST-ip imaatigut kabelimik atuinerani tusagassiuutitigut nalunaaruteqarnermi taaneqartutut atuuppoq.

TELE-POST-ip nuna tamakkerlugu attaveqaatitigut sullissillutik akisussaasutut ersarilluinnartumik oqariartuutigivaat, pisiortorfiit assigiinngitsuuneri sillimaniarnikkut nalorninartoqarsinnaasoq eqqumaffigalugu, aamma tamanna pillugu nutarteriuarlutik taavalu attaveqaatitigut ulorianartunut sapinngisamik pitsaanerpaamik illersornissamut suliniutit suut atorneqassanersut nalilertarlugit.

Apeqqut 2: Naalakkersuisut Kalaallit Nunaanni nalunaarasuartaaserisoqarfiit pisoqaratarsinnaaneraniq naliliisarnissamik, Danmarkimi inatsimmut assigusumik, inatsisiliortunit

**peqqussutigineqarsinnaasumik ulorianartorsiutaasinnaasunik
aalajangersimasunik ilanngutsitsilluni aammalu peratarsinnaasunik
killersuutaasut pillugit pilersaaruteqarpa? Tamakku
kissaatigineqanngippata, tamanna sumik peqquteqarpa?**

Svar: Kalaallit Nunaanni attaveqaatitigut ulorianartut Naalakkersuisunit assorujuk pimoorunneqarput. Taamaattumik digitaliseeriinermut periusissiaq 2018-2021-mi attaveqaatitigut ulorianartut pillugit periusissialiortoqassasoq anguniarneqarportaaq attaveqaatitigut ulorianartunut paasissutissiinermut sillimaniarnermullu inatsisissatut siunnersuut sananeqarnissaa. Periusissiaq suliaralugu ingerlanneqarpoq. Tassunga tunngasumik Naalakkersuisut misissuineramik aallartitsipput inatsisitigut, aningaasatigut allaffissornikkullu tunngasut sammisamut inatsisiliornermut attuumassuteqartunik. Taanna suliaq ingerlasoq pilersitsiniarnernut aggersunut aallarnisaataassaaq.

Apeqqut 3: Tamakku kissaatigineqanngippata, tamanna sumik peqquteqarpa? Naalakkersuisut PET aamma FET suleqatigalugit kalaallit Nunaanni sillimaniarnikkut putut ataatsimut qanoq isikkoqarnersut pillugit, sillimaniarnikkut ulorianartorsiutaasinnaasut nalunaarasuartaateqarnitsinnut tunngassuteqartut pillugit kiisalu nunap peratarsinnaasunut nalilersonera, minnerunngitsumillu Inatsisartut Naalakkersuisullu attaveqaqatigiinnermi, nalunaarasuartaateqarnermi internetikkullu sillimaniarnermi inissisimanerat?

Svar: Apeqqutit tamakku pillugit Naalakkersuisut PET aamma FET oqaloqatigisarpai, aamma naak immikkoortumut tamatumunnga ammasuuniarneq kissaatiginaraluartoq, suliap imarisaa sillimaniarnermik peqquteqartumik Naalakkersuisunit itisilerneqarsinnaanngilaq.

Inussiarnersumik inuulluaqqusilluta
Med venlig hilsen


Ane Lone Bagger